

T5417/3971

2

Blank page with faint bleed-through text from the reverse side. The text is illegible but appears to be organized in columns.

Blank page with faint bleed-through text from the reverse side. The text is illegible but appears to be organized in columns.

CHINESE - JAPANESE LIBRARY OF  
HARVARD - YENCHING INSTITUTE  
AT HARVARD UNIVERSITY  
OCT 5 1960

宗子相集卷之二

門人

林朝聘

黃才敏

莊均棟

黃中

朱應遇

謝符同校刊

趙日新

陳汝揚

鄭克魯

五言選詩

省中

鳴珮下紫霄。巖巖府中趨。冠蓋燦以華。羣吏肅前隅。  
晨風振遠楹。宿鳥鳴高梧。起步忽不愜。嘆此中懷孤。  
楊雄草太玄。相如奏子虛。執戟亦云晚。遊梁意何迂。  
西京有七貴。黃金步天衢。朝權浹車馬。夕燕紛笙竽。  
富貴詎可常。為樂亦須臾。嗟彼榮華觀。耽此寂寞塗。

哈佛大學漢和  
圖書館珍藏印

取舍一何戾。志各有所須。烈士多苦心。斯言良不誣。

秋夜省直

驅馬叩高高。秉燭照清池。冉冉見芙蓉。白露被華滋。  
仰見明月光。三星燦以垂。蟋蟀鳴重階。繁聲一何悲。  
感之長嘆息。嗟此陰陽移。鹿鳴思野草。宿鳥懷故知。  
人生貴適志。羈栖亦何為。行行返舊服。去此清江湄。  
此意良未申。空令達士嗤。

雜詩二首

結髮事明主。忠義諒獨持。出門遠眺望。荆棘生路岐。  
路岐阻且深。惆悵何所之。中心既不回。艱危何足辭。

不暇恤其躬。安能顧所私。譬彼東流川。九折常如茲。  
昔為志士模。今為壯士規。寸心明白日。比德于園葵。

其二

灼灼園中葵。結根高樹林。綠葉蕤紫芬。芳華人所欽。  
白日豈不照。高林蔽其陰。中懷抱赤素。誰為見予心。  
予心何足惜。惜此日西頽。白日如可待。高林有時摧。

擬古二首

冉冉江上蘭。爍爍江中芷。我友遠行後。駕言適江汜。  
江汜波浪深。嘆息從中起。昔別眷弄敷。今思暮颺紫。  
遊子不旋歸。浮雲日千里。

其二

驅車事行游。巖畔見芳草。芳草綠以萋。採之遺所好。徘徊歲云晏。悠然傷我抱。不畏芳草歇。畏此關山道。關山阻且長。客子行將老。

歲暮

歲事聿已暮。百卉何摧殘。驅車臨長河。悲飈激飛湍。欲濟無方舟。行路一何難。陶潛耻折腰。貢禹彈其冠。出處各有性。馬能違所安。不見飡霞子。飄飄青雲端。

五子詩

謝山人榛

謝生隱者流。偃蹇來京國。朝遊燕山東。暮遊燕山北。悲歌慨以慷。驚飈奮孤翼。興詞日百篇。一一作者則。嗟彼雕蟲子。不得施顏色。韋褐以掩形。藜藿不充食。榮華燁人世。匪其心所惑。盧生罹世網。抹之一何力。卒能脫其患。言者長嘆息。非君策高踪。斯義久荆棘。

李郎中攀龍

大雅久寂寥。作者徒縱橫。之子起海嶽。吾道維其盟。中心寡所諧。長揖謝羣英。眷言二三子。斗酒歡相迎。冥思何可測。竒語頗自驚。仰並雲霞翔。俯與江河傾。高冥墜白日。非君誰與擎。瑤篇一出。紛紛出時名。

彼韶濩奏。正音空爾鳴。功名亦垂世。無乃非其情。

徐比部中行

偉哉麟鳳才。婉彼蘭蕙質。含英難獨持。芳華耀朝日。  
策馬入金闈。聲名從此溢。冠蓋豈不榮。而獨耽著述。  
結藻何翩翩。札札弄緗帙。駕言發藝林。彷徨求侶匹。  
隻言不中諧。悵望如有失。燦爛繁星垂。名篇諒非一。  
律呂聞淒鏘。譬彼清廟瑟。詞賦千載謀。斯人已入室。

梁比部有譽

瞻彼殫霞子。萬里來羅浮。結束長安陌。聊以寄薄遊。  
中懷既不聞。兀坐生羈愁。俛仰一世同。局促何所求。

鬱鬱遂成篇。燦燦雲霞流。凌厲起高唱。作者徒悠悠。  
人生易奄忽。焉得無深謀。黃庭一以悟。萬事良蜉蝣。  
振衣馭天風。長逝不可留。咄咄迷途客。栖遑良足羞。

王比部世貞

天地亦寂寥。斯人懷苦心。弱冠厲高羽。翩翩翔藝林。  
玄構入幽眇。龍淵浚其深。拂鬱神氣動。萬象俱蕭森。  
閉門一停思。白日常陰陰。雄視百代間。豈復論古今。  
高歌以慷慨。顧盼酬知音。不測心所之。世人空追尋。  
富貴亦云樂。而非情所欽。寄謝當途子。無徒耀華簪。

簡吳明卿舍人

巖巖京洛間。天門儼九重。中有纓弁客。翼翼從飛龍。  
朝聽比里竿。夕聽南隣鐘。嗟哉楊馬才。斯人不見容。  
偃蹇以薄遊。朝餐夕不供。抽翰爍春華。揚藻凌高峰。  
昔為一時重。今為萬世宗。作者豈無傳。誰能櫻其鋒。  
寄謝同心人。斯理諒可從。

寄江鄉舊好

故人渺天末。江湖阻書告。忽接瓊瑤音。綿綿來遠道。  
言採晚。上蘭用。以遠相報。豈無他物貽。將投君所好。

楊氏園亭餞別謝榛二首

名園開綺酌。芳榭停軒車。飛蓋凌青雲。冉冉振華裾。

尊酒以斟酌。豐饌來中厨。秦箏奏我傍。吳歌慄不舒。  
借問遠行子。離思竟何如。倦此燕山遊。去彼漳河居。  
南北各萬里。佇望沾裳衣。

其二

離思忽超越。逍遙事行游。散步過華池。芙蓉夾芳流。  
悲哉蟋蟀鳴。凄切動我愁。凝霜莽零落。明月澹飛樓。  
感此歲華暮。耿耿生百憂。居者不可去。行者不可留。  
去留而不愜。何以慰綢繆。

留別京洛諸游三首

冠履振蘭皋。秋氣何蕭森。神龍思遠波。猛虎恋茂林。

萬言返故鄉。念子思難任。握手不能別。淚下沾衣襟。  
四顧何茫茫。誰為相知音。一為鳩鵲吟。道遙內傷心。

其二

與君交結心。世人非所窺。如何  
仁謀忽忽生別離。離  
離娛不可再。沉思令心悲。君遠  
金閨子。將天一涯。江  
湖渺浩蕩。會面茫無期。行人  
從此去。彷彿亦何為。君  
其愛玉體。慰我長渴飢。

其三

天風西北來。蕭蕭動高樓。摧落  
愴中懷。何以慰離憂。念我  
平生親。涕淚不能收。豈不懷  
往路。為君暫淹留。

執手對長河。情思良悠悠。願言  
俱努力。千載崇良謀。  
還至別業五首

游子倦行役。歲暮返舊疆。舊疆  
鬱壘壘。觀者嗟道旁。入門  
見所親。涕下各沾裳。束髮去  
家園。骨肉參以商。山川阻  
悠邈。別永相望何晤。今茲夕  
還復登高堂。兄弟勅中厨。堂  
上羅酒漿。酒中阿母言。見汝  
重徬徨。汝今幸來歸。汝父在  
何方。聞之益墮涕。四座莫不傷。

其二

父老聞我旋。走書來相存。長者  
羶貂鞬。幼者奉衣巾。盤飧  
多豐膳。絡繹在吾門。倉皇出  
肅客。俱我平生親。



長揖失次第。各各問寒溫。坐中起相勞。行路多風塵。  
如何客子顏。反若生陽春。自汝遠行遊。鄉國難具陳。  
新席滿路衢。白日愁行人。朝餐藜與藿。夕臥無安衾。  
飢寒且不保。骨肉含苦辛。父老重起詞。方與子所云。  
子其勿語人。恐令長吏嗔。

其三

結髮游藝林。翩翩二三子。聞我返田廬。亦復來相視。  
峩峩切雲冠。踟躕東郭履。入門將我衣。嘆息傷情理。  
長跼前謝客。故人心乃爾。昔者遠行邁。悠悠三千里。  
寒暑忽以流。眷念桑與梓。况我同心者。愴懷何能已。  
客請勿復嘆。主人聊唯唯。堂上列旨酒。堂下薦嘉饌。  
今日樂且樂。懽娛從此始。

其四

驅車出郭門。遠望陌與阡。四顧以徬徨。我馬忽不前。  
別家僅俯仰。所歷何推遷。高臺或為池。崇岡或為田。  
墟里千百家。蕭條無人煙。壯者日以衰。老者長相捐。  
紛紛少年子。白馬鳴華鞭。旦夕成老醜。短褐不被肩。  
昔者人所欽。今者太可憐。見之感我心。泪下如流泉。

其五

駕言俯長河。行行至南浦。荊棘一何深。沒我舊時渡。

三年滯行旅。今日返其素。階上蘭蕙花。是我昔所樹。  
搖落蕭艾旁。芬香日以故。洲渚鬱蒼蒼。瞻彼鷗與鷺。  
有或見其儔。翩翩翔且顧。往者不可追。來者猶可悟。  
行矣事春耕。秉耒躬晨霧。寄謝逍遙子。與爾諧中路。

寄李順德于鱗

聞君出帝關。手握五馬符。朝發盧龍溝。夕息涿鹿塗。  
白玉掛君衣。黃金耀君軀。志意殊揚揚。千騎為前驅。  
雄聲滿四隅。英名照八區。觀者擁長路。皆言使君殊。  
使君自有志。豈為功名圖。一麾乃出守。悲哉吾道孤。

其二

煌煌帝洛遊。四顧浮雲色。興詞搗雄藻。千載無終極。  
悲風起中天。奄忽乖羽翼。伊予歸舊疆。之子

相去萬餘里。愴惻動心臆。登高遠眺望。惟見荆與棘。  
日落豺虎吟。狐狸潛道側。願保金石軀。慰我長相憶。

贈王元美二首

送子上河梁。悲風下天荒。右顧渺太華。左顧迷扶桑。  
振衣千仞巔。風塵杳微茫。爾獨事遠役。駕言還帝鄉。  
對酒不能飲。慷慨情內傷。送君日以遙。思君日以長。  
安得凌風翼。與子共翱翔。

其二

執手重行行。步出城南隅。飛蓋凌青雲。良馬躍長衢。  
行人不可留。中心鬱以紆。子如雲中鴻。予如汀際鳧。  
浮沉既異勢。羽翼何時俱。努力事功名。宏此壯士圖。  
願言俟嘉譽。慰我心區區。

山中與陸長庚

秋日事行游。游此清江湄。俯視青鳥翻。仰見白日馳。  
人生寄一世。風塵豈足羈。貧賤安其常。富貴令身危。  
浮雲起西北。帝鄉不可期。甘此茂陵渴。愧彼首陽飢。  
商山有同調。行行歌紫芝。

七哀詩為伊氏作

驚飈動高林。荆榛迷路歧。中有愁思婦。袞嘆一何悲。  
借問悲何為。乃為良人思。良人一以逝。十載守空帷。  
十載何足言。千秋常若斯。風波一朝起。骨肉以相疑。  
生者不可拒。死者不可追。寧使妾身捐。豈使妾行虧。  
痛哭迴白日。慘黯黃雲垂。青山一憤絕。重矢以為期。  
寄謝未顏者。貪生良足嗤。

送客

客子向何方。車馬朝日馳。執手野彷徨。送君清江湄。  
江水一何長。悠悠繫我思。出門有歧路。世情多嗷噓。  
黃塵摧人顏。玄霜切人飢。去去勿復陳。願君愛光儀。

夏日池上坐

朱華蕤清漪。庭草淒已綠。歲月忽以馳。流光傷局促。  
古人亦有言。夜遊當秉燭。感此傷我心。前修以自勸。  
逍遙放情志。胡為自躑躅。結廬在崇岡。極眺滄浪曲。  
朝游濯吾纓。夕游濯吾足。自知非至理。聊以從所欲。  
聞錢惟重使楚寄贈

清夜事行游。去上西山址。百卉何腓腓。荆榛被廣路。  
明月照我懷。浮雲奔不止。對此感我思。嗟彼遠遊子。  
遠游在何方。乃在瀟湘裏。道路阻且脩。相去萬餘里。  
碩瞻隻飛鴻。眷言未能已。

李伯章歸自郢來訪

秋颺厲長空。鴻翼已高翥。渚蕙日夜零。庭臯被白露。  
攬衣起長望。同心忽相顧。入門見顏色。慰我遙思慕。  
我有一尊酒。聊以結歡娛。君其勿遽行。豺帟滿中路。

贈孫子升文學

故人何處來。車馬忽東驚。別後髮空短。花前首重聚。  
送君江上舟。徙倚江上樹。江濶正風波。君且未可渡。

又得明卿書

秋色滿天地。悲風動高臺。浮雲慘不舒。白日忽已摧。  
遠念客遊子。鼓楫瀟湘回。北顧金馬門。東望滄海隈。

不念舊所懽。棄置如塵埃。傳我尺素書。抽翰空徘徊。歷歷天上榆。冉冉庭前梅。相思難重陳。嘆息生餘哀。

秋夜

秋風起高閣。明月照芳池。俯視清波流。仰見羣星垂。翩翩池上鳥。羽翼何參差。攬衣起四顧。白露被華滋。冉冉青桂叢。采采梅花枝。鳳凰久寂寞。紫簫空自吹。

秋夜寄陸子和

攬衣步前除。白露被高桐。枝葉葍零落。大地回悲風。明月起夕愁。東壁鳴寒蟲。四時一何速。天地無終窮。嗟彼客遊子。終歲常飄蓬。十月無寒衣。薇藿腹不充。

何事不歸來。孤此青桂叢。欲寄尺素書。不見雙飛鴻。

游湖上柬高子明徐養浩

伊予好幽棲。江湖任所適。風起萬波驚。日落千山寂。悠然命朋好。中流移畫鷁。紫石亂蕪葭。明月散蘆荻。散髮事逍遙。停觴恣探歷。山上落梅花。坐中翻玉笛。誰共續紛子。世路任憂戚。

雜詩

古來有志士。壯心驚自竒。仗劍倚天外。蕭颯雄風吹。遠望一世間。荆棘生路歧。不若棄之去。身世交相遺。南山可採薇。北山可採芝。結束向風塵。惜哉爾空為。

接輿歌衰鳳莊周畏為犧一子有至意可為達士規

出郊訪黃山人

駕言發北郊芳草萋已碧晨風叩石門  
瞻此棲霞客翩翩倚杖迎嗟哉髮何白  
攜手入中洲四顧感疇昔君着東郭履  
我着東山屐行採山上芝坐倚山中石  
客有一尊酒相藉終日夕醉來自盡觴  
君其勿相迫

留別子結舍弟七首

驅車上河梁願瞻舊鄰國倉卒骨肉親  
彷徨動顏色子亦竟以南子亦竟以北  
本是雙龍居胡為乖羽翼送子從此歸  
涕下不能食子其從遠猷慰我長相憶

其二

相憶任何所乃在河中洲結廬俯曲沼  
芙蓉夾清流飛蓋凌朱霞逍遙事行游  
白鷺翔我側鷺鳧戀其儔駕言邁遠役  
嘉會難再留引領內感傷行上懷百憂

其三

百憂何殷上坐令盈懷抱乃歲云暮  
霜雪被長道遠望何蕭條驚風摧百草  
當此別離情沉思令人老歲月不相待  
所欲在蘭藻雲霄有遐路致身胡不早  
垂堂古所戒畏途慎自保

其四

白保良不易。致身諒獨難。豺虎在人羣。平居有波瀾。  
躑躅紛四顧。終歲渺燕歡。君子慎厥趨。取舍從所安。  
艾蕭滿中路。涉江多芳蘭。不見採蘭者。萬古起長嘆。

其五

長嘆何終極。感此人生累。貧賤俗所輕。富貴俗所忌。  
豈知達者心。志各有所寄。冠蓋五陵豪。羞若朝露墜。  
偃仰一世間。恬淡起遐思。文章以經國。千載無終始。  
去去勿復陳。慎以青雲器。

其六

青雲紛四極。不翳明月光。高臺一以眺。遠思從蒼茫。

鴻鵠在中澤。豈為謀稻梁。神哉蛟龍志。尺瀆寧終滯。  
丈夫志四海。寥廓相翱翔。朝遊過崑崙。夕游畧扶桑。  
無學兒女仁。白首戀故鄉。

其七

故鄉不可望。錦江迥且深。飲時東西渺無極。傷此遠  
別心。寒風下庭樹。宿鳥棲高岑。對酒不能酌。為子鳴  
瑤琴。琴聲一何悲。泪下誰能任。慰此骨肉懷。款誠惠  
我音。

湖上送徐子與使君

別君金馬門。逢君大河陽。相看動惆悵。涕泪沾衣裳。

斗酒且為樂。清歌夜未央。念子遠行役。道路一何長。  
嚴冬萬木落。白露為玄霜。搖落愴中懷。起視明月光。  
携手復行行。南北各一方。風波不自保。天地遙相望。  
念此傷我心。對酒不盡觴。願為雙黃鵠。與子共翱翔。

渡淮

白日下大川。飄颻御方舟。波浪漫浩上。簫鼓發中流。  
中流振天風。魚龍奔沉浮。恍惚對混沌。須臾過千驪。  
黃河天上來。奔湖不可留。萬里起寒色。浮雲黯不收。  
范生思擊楫。仲尼嘆乘桴。察上千載後。壯哉復此游。

淮上雜詩三首

攬轡登崇岡。車馬何縱橫。王侯有第宅。長衢耀華光。  
堂上列吳謳。堂下鳴秦箏。豪華竟何在。今古惟枚生。  
都尉豈足數。為郎亦何榮。偃仰一世間。長揖傲公卿。  
獨負詞賦才。千載垂芳名。對此長太息。聊以舒鬱情。

其二

寂寞韓侯居。奕上韓侯祠。晨風動高林。落葉何紛披。  
侯也未遇時。偃蹇何足奇。伏劍逢真主。百萬驅熊羆。  
英畧照中原。雄心狹四維。惜哉壯士規。乃為兒女欺。  
楚漢分鼎立。侯也胡其疑。英雄偶失策。萬古有餘悲。

其三



世人重結交。紛紜騁路衢。貴者日以近。賤者日以疎。  
嗟哉漂母心。乃與世人殊。壯士困風塵。誰為識雄圖。  
况乃飢寒色。一飯立相呼。一飯何足言。感此心區區。  
千金以相贈。華名照四隅。何世無英雄。按劍疑投珠。  
瞻彼垂綸者。泪下連衣裾。

贈黃戶部

主人敬愛客。招我清江湄。悲風起天末。白鷺羽參差。  
方舟揚素波。箫鼓傳山陂。中厨出豐膳。華筵列芳庖。  
秦箏奮新聲。婁上何悲歌。歌者歌自苦。知音竟為誰。  
懽樂不可常。去上從此辭。風塵愴中懷。今德以相期。

贈伊文學

故人亦何在。乃在青山東。山家何寂寥。高樹來天風。  
貂裘日已敝。龍劍何其雄。下可制巨螯。上可斷長虹。  
風雲起一朝。寧復嗟途窮。去上重相思。寄言雙飛鴻。

贈施司封三首

涉江見芳草。春華被遠岑。薄言採其華。將以貽所欽。  
願念客遊子。分符越江潯。江水東南流。波浪阻且深。  
涼飈摧百卉。孤芳孰能任。置之在懷袖。無令歲寒侵。  
日月忽以邁。馨香紛至今。非君垂末顧。誰能識予心。

其二

昔君守南服。伊子還舊磯。沉浮既異勢。音告乖以違。  
袖中有尺素。遲彼雙鴻飛。雙鴻不可見。嘆息沾裳衣。  
思子忽若渴。望子忽若飢。豈以負薪累。甘貽伐木譏。  
中心諒無他。願君察其微。

其三

清夜良燕會。零霜下前除。堂上羅酒漿。堂下薦嘉魚。  
鳴琴雜清商。音響一何舒。酒中客起言。責我愚且踈。  
主人前謝客。茲夕且歡娛。金石昔所敦。蘭芷昔所貽。  
中心既以諧。豈為形迹拘。古來重結交。終始貴不渝。  
垂紳戒朝夕。君言宜重書。

牛渚望謝眺青山二首

歲暮遠行役。瞻此清江湄。願瞻江上峯。白雲何歲隄。  
伊人昔結宇。英詞光陸離。歲月不相待。高踪邈何之。  
采上山上蘭。輝上山下芝。芳菲未終夕。白露忽已滋。  
江流漫浩上。佳人歸何遲。山川無終極。人生會有時。  
願言崇遠業。千載與子期。  
與子期何方。乃在青山址。白石何磷磷。照此澄江水。  
下山擷江華。上山尋石髓。高風一以逝。浮雲日千里。  
荆棘滿山隅。岩洞日凋毀。玄夜啼猿狸。白日行豺兕。  
我欲往瀟湘。採彼蕙與芷。採之欲遣誰。之子不可起。

悠然傷我心。嘆息滿江汜。

紫陽山

驅車上崇岡。紫陽何崔嵬。石壁倚萬尺。悲風日夕來。  
吹彼蘭蕙花。馨香芬以摧。哲人昔遁世。結茅茲山隈。  
微言破萬象。精靈遍九垓。山鬼夜不至。天門白日開。  
玄風忽已邈。流光照高臺。不見松與梓。唯見蒿與萊。  
浮雲黯以寂。冷上山泉迴。俯仰長太息。千載有餘哀。  
寄謝山中人。漱石掃莓苔。他日息吾軫。晞髮信悠哉。

寄人一首

浮颺動廣野。白日慘無色。之子在萬里。山川渺難極。

豺狼滿路衢。况復荆與棘。我欲往從之。惜無晨風翼。  
因風寄瑤華。歲事日云夕。去住渺惓惓。撫膺長嘆息。

夜坐一首

燁上江上蘭。冉上山中桂。春風發華滋。堪以結吾佩。  
如何蕭與艾。忽然滿中路。徘徊不可問。潛馬空隕涕。

江門有懷

辭彼青瑣闥。還予紫石磯。駕言遠行邁。晨曦溽以微。  
如何金石交。一旦阻音徽。江山脩以邈。寸心詎能違。  
南山亦有薇。北山亦有薇。不見夷齊子。嘆息將安歸。

七言古詩

水頭遇雨

滄海何年落南浦。芳草碧盡綠苔古。我携春色帝城。共駕長虹擊鼉鼓。青山拂袖玄猿呼。白波搖空怪龍舞。黑雲一片落吾盃。馬上行人怨風雨。

秋夜吟

烟上晨星稀復稀。明月滿天垂紫微。靈瑟風生帝女至。金莖露冷仙人歸。漢庭朱鴈去已遠。昆池碧雞竟誰依。仰天長嘯好自去。十年吾負山中衣。

明卿夜過各賦長句

胡飈亂捲星如雨。予歸淮南君去處。明月浸冷廣陵。

船綠蘋愁絕滿。湘清尺書在袖數鴈鴻。美人中夜怨砧杵。乾坤日遠欲問誰。閭闔天高重遇女。一笑浮雲墜青天。五斗金莖聽白苧。萬片龍鱗江上來。為爾直取天河煮。共向天門騎白螭。肯向人間問腐鼠。醉來高卧北斗旁。無叢松臺月下語。

二華篇有序

嘉靖丙辰九月濟南李君攀龍由順德守擢為陝西提學副使余為之賦二華之篇夫二華西北巨鎮也往歲秦地大震山缺河溢壞廬仆火二千里人煙幾絕則二華之故手君

往矣即二華猶有不看者君何辭焉

我聞西極之精忽墮地化為巨石如天長孤根倒插  
黃河底竒峯直聳天門旁天門牛女不敢渡斗域義  
龍那得翔上帝聞之惡其疆孽為二華遙相望大者  
在西少者東千崖萬嶺盤晴虹東來不得數秦岱西  
去那復誇崆峒中有紫髯白髻三五公手持綠王披  
芙蓉有時踏天跨白鹿鎮日鞭石揮青龍寒露不斷  
仙人掌古質常吹玉女峯忽見悲風萬里來蒼螭赤  
蛟何雄哉金鱗乍開似飛電怒角並聞如奔雷驚沙  
飄忽天柱動狂飈迅急坤軸摧玉女散髮亂咬走仙

人赤脚滄海回地顛山愁千萬里竒峯片下沉水  
黃河直上峰頭坐忽散人家室屋裡往卜屋上游赤  
鯉千門萬戶半作鬼廣廈高宮盡成土白日不聞父  
老哭青天唯見魍魎舞二華二華龍能主我聞李侯  
佩玄珠截日飛霜天下無侯今躍馬函關去豐隆招  
搖為前驅千峰明月亂相逐萬里白雲驚且呼侯之  
往矣何為乎為我停車華山隅手擎蛟螭山下趨伏  
劍一一數其辜山之摧者叱其立黃河在手如持盂  
山上芙蓉色不枯仙人玉女復來吹玉筍侯也與之  
長相湏千秋萬載同歡娛侯向二華去聽予二華歌

一華未。到歌。先到石。走龍吟。侯奈何。

春日姚園同德甫明卿元美讌集分賦下字

帝遣春風來。薊門吹作靡蕪綠。遍野我本商山采薇客。暹爾瀟湘佩蘭者。鞭龍直上碣石宮。披雲高卧崑崙下。袖裏瑤華寒不開。洞口新松翠可把。一酌滄江破几筵。片語青山墮杯筯。君不見長安意氣五陵豪。笑殺文園病司馬。

六卷曲

塞雲垂天胡草肥。胡兒牧馬向金微。赤城刁斗日夜急。黃沙羽檄縱橫飛。漢皇立下明光詔。將軍起披金

鐵衣。熊羆百萬夜出塞。驃騎尋常朝解圍。捷書一日走千里。試問三軍歸未歸。

送王判之裕州

使者金羈佩紫貂。高楊繫馬寒無條。勸君為我且停盃。朔雲滿地西風驕。與君結交非一朝。君方綠髮予垂髫。父子兩世共蘭芷。英雄二十猶漁樵。山中蘿薜日携酒。江上芙蓉夜放橈。愧予已上長楊奏。今君亦結河陽綬。浮雲回首有窮通。丈夫得志無先後。只今南北講戈鋌。至使瘡痍盈宇宙。東吳未見淨江氛。中原且復憂山寇。為今之計惟民牧。知君久抱青雲志。

乘時即把蒼生拯。憶君先子大夫才。每每逢子青眼  
開。冀比聲名昔無比。劍南父老今猶衰。青天白日同  
崔嵬。君之往矣何愧哉。富貴祇如天外雲。功名應比  
庭中視。循良漢詔下蓬萊。逢君躍馬黃金臺。

金山篇送徐子與奉使江南

昔日秦王鞭石過東海。大者並立小者臥。東風一夜  
拔。拔。拔。桑。片。石。怒。走。江。中。坐。千。年。海。着。呼。不。回。一。線。滄  
江。從。此。破。滄。江。之。水。何。處。來。瀟。湘。洞。庭。蒼。梧。開。驚。濤。  
巨。浪。幾。萬。里。排。空。拍。斗。如。奔。雷。呼。嗟。此。山。何。雄。壯。白  
日。不。動。天。崔。嵬。下。攬。吳。越。荆。楚。之。秋。色。上。標。鍾。山。渤。

海之朝虹奇峯三百倒懸水青楓碧樹擡玲瓏金糾  
瓊宇不知幾一亂挿馮夷宮有時鼉鼉逐麋鹿鎮  
日魚鱉追鳶鴻忽然相遇不相識莫不駭訝狼藉號  
天風白日滾上去不窮明月復爾臨高空萬頃珊瑚  
碎江水鮫人龍女紛然起以手捉之不可得嫣然一  
笑滄江底怪龍忽上崖頭舞似聽山僧讀禪語龍珠  
上與月華爭明月不得復為主當時赤手縛龍珠夜  
半空江驟風雨一自此龍失其珠日日江頭怒且呼  
金山晝夜叫猿鶴丹陽南北愁菰蒲徐卿仗節往三  
吳渡江先上金山途江中怪龍遠相避山前明月高

自孤妙高亭上。千秋江直與天門。浮峰頭。明月  
結。我留與。鄉同為汗漫遊。上令星辰不敢收。下令江  
海不敢流。龍兮龍兮。道去不知幾萬里。即有明珠還  
自投。金山。金山。慎莫愁。

薊門春望

薊門春望春冥上。黃鸝交坐啼不醒。尊前楊柳酒人  
綠。江上蘼蕪愁自青。楚人瑤瑟怨湘雨。漢室漁竿垂  
客星。誰其采藥向滄溟。逢我岩前紫石屏。

同峻伯助甫賦得春月席上賦

瑤天霜白絲雲歇。東風吹出海門月。紫微仙人醉相

逢。摘來掛在黃金闕。千頃琉璃散萬家。直從燕趙望  
吳越。白榆浸濕雲孫衣。蒼梧泣冷湘君髮。玉兔高啼  
驚夜鳥。青桂低垂碍春蕨。何當捉爾泛溟渤。夜夜老  
龍哭深窟。

古劍篇有序

嘉靖丙辰十月吳郡王君世貞由比部郎中  
出為山東副使督戎青州其友人廣陵宗臣  
贈以豸衣一襲腰帶一束古劍一口又為之  
賦古劍以遺之其詞曰

赤重使者昆吾子。碧眼烟上虬髯紫。手持雙劍下山



麓上有蛟龍缺其齒。道上相逢忽相贈。怪雲悲風生  
席几。胡僧為製珊瑚鞘。南海琅玕襲其裡。佩之朝夕  
不離身。北遊燕趙南江汜。江上秋風倚劍行。波濤上  
沸如山峙。老鯨毒螭數千尺。金甲火鬣中流起。刺來  
一烹其髓。斂人終夜泣。瑜理况復山中豹與兕。又  
况人間鹿與豕。自吾佩此二十年。處處江山半戎壘。  
明時不得抱鼓旗。腐儒空復談簞篋。國讐未報壯士  
恥。永夜高歌常拊髀。劍乎劍乎吾負汝。吾今有友吳  
郡生。紫豸朱纓乘驂駟。青天開府泰山巔。落日飲馬  
蓬萊泚。吾解一劍贈生去。星辰亂落奔不止。生乎生

乎吾語汝。左掖圖書右弓矢。豺狼只在大道傍。魍魎  
豈必深山裡。生乎此劍一在握。上天入地任君使。只  
恐風雷日日生。海上千閔盡掩耳。天吳海若俱遠徙。  
真宰聞之或不喜。嗚呼古來神物有離合。斗間紫氣  
無終始。他日中原倘相遇。雙劍雌雄各相砥。與汝並  
驅千萬里。世上風塵空復爾。

送白明府之汝南

昨日逢君薊門東。千家楊柳春雲碧。今日送君薊門  
西。匹馬翻上夏雲白。白雲一去二千里。君亦隨之渡  
汝水。汝水照人明月寒。君家心事亦如此。聞君昔縮

瀟江符風流文雅寄蒼梧。黃金燕市大如斗。蓬爾雲霄雙玉鳧。

寒夜偶過吳峻伯讀其山中諸篇分得天字席上。北風吹折西山巔。長安有酒斗十千。下馬逢君輒成醉。北斗倒掉闌干前。主人為我開瑤編。讀之一一山中篇。滿地龍涎走白石。四壁紛紜行紫煙。天目之峰幾千萬。忽然並掛金華箋。泠泠屋上鳴飛泉。滾上盃中注百川。使我對此心茫然。當時我有百花洲。垂楊十里滄江邊。織女為我栽白榆。太乙為我栽青蓮。狂時上抱明月舞。醉來忽枕浮雲眠。有時赤脚踏龍淵。

蛟龍窟宅時上遷。只今一別三四年。風塵車馬徒相牽。梅花歲歲怨其主。芳草日日私自憐。欲歸不歸誰之愆。何時與君同上江門船。二十四橋歌嬋娟。直從白浪尋青天。千秋萬載凌飛仙。

歸嘆

薊門春盡雲陰陰。倚杖出門愁暮禽。千金裘馬只自好。萬里江湖誰復尋。武陵一別桃花深。欲歸不歸傷我心。青楓未老楚月白。吾將長嘯投吾簪。

廬山歌寄贈吳明卿時以黃門謫豫章從事。南斗日夜鼓太白。化為五老八萬尺。並跨古鱗下九

江○猛○風○吹○作○倚○天○壁○手○懸○石○鏡○照○天○門○日○月○東○已○亂  
相○射○香○爐○之○峯○插○其○南○星○辰○燒○作○珊○瑚○赤○青○天○忽○墜  
金○芙○蓉○九○十○九○峰○破○江○碧○峰○頭○白○鹿○嚼○紫○雲○紫○雲○片  
片○大○如○席○石○梁○瀑○布○天○上○來○百○折○寒○濤○瀉○琥○珀○玉○虹  
雙○夾○孤○電○翔○急○雷○長○聞○銀○河○拆○佛○手○叢○前○石○鼓○高○有  
時○擊○鼓○天○鳥○啼○三○五○仙○人○驚○且○起○東○方○先○生○騎○紫○螭  
帝○前○大○醉○黃○姑○醪○復○向○瑤○池○竊○三○桃○手○把○瓊○枝○雲○中  
翔○下○視○八○荒○如○秋○毫○帝○也○聞○之○惡○其○豪○一○朝○謫○下○廬  
山○去○九○華○之○冠○赤○霜○袍○腰○間○雜○佩○金○錯○刀○彩○霞○捲○起  
飄○組○練○蒼○烟○控○馬○排○旌○旄○直○上○峰○頭○叫○五○老○五○老○紅

立○呼○其○曹○客○來○餐○之○白○鳳○膏○醉○持○龍○角○如○持○螯○江○間  
古○龍○聲○嘈○嘈○倒○鞭○白○鹿○滿○山○走○白○鹿○夜○夜○哭○且○吼○赤  
松○不○敢○與○之○遊○黃○石○不○敢○與○之○友○樹○杪○九○江○如○一○線  
織○女○袖○來○紉○吾○綾○東○折○扶○桑○煮○天○潢○白○露○金○莖○日○五  
斗○西○方○之○彗○摘○為○箒○掃○盡○閻○闔○萬○古○之○浮○雲○攬○盡○瀟  
湘○萬○里○之○秋○色○一○一○掛○之○千○楊○柳○我○欲○白○日○借○羽○翰  
尋○爾○彭○蠡○之○左○鄱○陽○之○右○不○然○尔○跨○白○鹿○來○北○極○又  
恐○封○狐○嘯○君○前○雉○虺○踰○君○後○我○亦○竟○不○去○尔○亦○竟○不  
束○袖○中○綯○繩○十○萬○里○直○繫○廬○山○入○酒○杯○奇○峯○峻○嶺○收  
崔○嵬○白○鹿○暫○卧○玄○圃○臺○與○尔○共○醉○三○萬○六○千○日○池○上

蟠桃十度開。五老隨之日日來。長跪求歸日百迴。然  
後放尔廬山大江去。東方先生還蓬萊。共駕燭龍遍  
九垓。他日倘過廬山側。江頭拳石何有哉。

湖上幽栖四章為沈二丈賦

主人結屋楚江曲。身披薜荔坐空谷。青天雙眼望鴻  
鵠。春風一夜開石門。萬里靡蕪散新綠。  
白雲奔上行山阿。北窓踈簟高枕多。赤日紅塵將奈  
何。天風忽送千江雨。為尔巖頭洗薜蘿。  
瑤天露白彩雲沒。細掃青松烹紫蕨。中夜星華濕秋  
髮。波間古龍忽啾上。人在滄江弄明月。

三五幽人踏月華。湖南湖北尋梅花。相逢疑到赤松  
家中流。一曲寒江笛。吹落崑崙萬片霞。

武陵歌有序

武陵者顧子別業也。顧子讀書溪上二十載。今歲始薦于鄉。上書至時。余夜偕諸省郎直省中也。一觀顧子名。則頓足起命侍子舉白。援筆成篇。時嘉靖乙卯冬十月望日。

武陵倒插西湖邊。明河吹碎瑪瑙圓。桃花千樹墜  
兩。垂楊十里排蒼烟。中有紫髯白皙之神仙。手抱明  
月湖上眠。玉華樵者時送酒。綠蘿漁子歌采蓮。檻外

星辰大如石。床頭蛟龍細似蟬。秋風吹出紫霞去。赤  
手駕鰲滄江前。忽向月中拔青桂。千枝萬枝泣嬋娟。  
三五仙人騎古雲。北斗錯落衣翩跹。坐令相揖不敢  
先。捷書一夜飛天門。漢家天子坐甘泉。朱衣侍者人  
一編。我得聞之心茫然。武陵之卧二十年。昔者何為  
與世遺。今者何為與世憐。十月冰霜塞大川。長安美  
酒斗十千。黃金駱馬白玉鞭。遲君鳴珮共朝天。只恐  
武陵春色怨。其主落花千尺啼。曉鶻令君欲歸。上不  
得。楚江楓冷釣漁船。明月來移北山篇。

伯倫席上遲峻伯不至戲贈

銀河凍裂明月哭。君胡獨抱浮雲宿。我遣明月坐看  
屋。屋下浮雲亂相逐。縱有仙人渡銀河。明月不出君  
奈何。為君呼月還上天。君胡不來愁婢娟。

送施子之豫章

我聞李白遊江海。西愛巨廬東九華。九十九峯江上  
青。五老香爐飛紫霞。今君家在九華住。時與仙人數  
落花。一日拂袖起為吏。復得廬山對官衙。人生出處  
貴適意。區區冠蓋何足誇。唯得名山共朝藿。翠屏錦  
障天之涯。豫章之牘紛如麻。君其理之勿愁嗟。只今  
海中之寇數百萬。日日江門喧鼓笳。西望豫章僅千

朝可以飛浮槎紫薇群貴芙蓉夕君其豫言勿復惜九華匡廬動顏色

寒夜借助甫集方懋藩邸中各賦放歌分得字

驚風吹破明月光琉璃片上成胡霜胡霜落地幾千

尺白虹亂走凍且僵今夕何夕登高堂入眼拳石裂

崑崙搔星勺水流瀟湘相逢意氣何飛揚為君呼明

月坐君床叱白虹飲君觴床頭魍魎不敢哭盃中江

海波頗狂三五仙人歌春陽欲下不下愁霓裳忽然

夜半叫鸚鵡恍疑天外趨鳳皇明珠乍落三石梁奔

龍飛電鳴干將明月不肯住白虹且欲藏吾將直跨

白虹去青天手抱明月翔他時訪我天河旁與汝散

髮抽扶桑

張園同高伯宗諸君餞別朱主客予价得山字

君握瑤華來天關天關夾龍振金環掀髯大呼夾龍

走星辰亂落供奉班金莖拔倒仙人掌零落吹亂玉

女鬟手持北斗叫閭闔足踏銀河弄潺湲河邊白榆

不敢發海上青鳥那得閑君乎胡為忽歸去胡霜日

夜彫朱顏唯有明月可贈君隨君直到江門山江門

之山千萬峰春風吹出百草斑百草那比青桂枝千

秋萬載誰能攀君乎君乎何時還至今方朔遊人間

再餞朱主客得動字

北風倒天天河凍。長安萬戶走虹蜺。使君且莫據雕鞍。主人復爾開金甕。四嶽同懸平子愁。五餌久抱賈生慟。謁帝聊與千鷺翔。乘雲誰把羣龍控。杯外星辰寒不收。江南揚柳春先動。我有秦時白玉簫。仙人寄我華陽洞。仙人一別幾千里。今日臨岐為君送。君去清江時一弄。為君白日下雙鳳。鳳兮鳳兮胡不來。白雲愁殺金陵臺。

長安行寄人

長安客子傷春情。出門愁聽朝啼鶯。關山作客胡不

去。梅柳向人春又生。江頭羅荔懷楚佩。席上夔龍愁漢纓。胡馬至今日夜急。塞鴻何事東南征。人生去住不得意。愧尔山中餐石英。

元美將之青州書來約會已乃徑去悵然席上賦此得寒字

天風吹落九塞寒。使者高標切雲冠。夜半騎馬如跨龍。白玉之鞭黃金鞍。馬首明珠聲珊珊。赤髯綠眼光走電。提戈百萬俱材官。忽然紫氣逼長安。聞君已到使君灘。望而不見空長嘆。朝趨碣石暮邯鄲。何當白日生羽翰。尋尔直上青雲端。雲中吹簫弄紫鸞。仙人

授我金液丹。洗之天河吹波瀾。波瀾一洗天河乾。支  
機之石日夜殘。縱有女媧不得完。手持明月如弄丸。  
上照人間千琅玕。人間天上長交歡。永無離別摧心  
君不見。雙劍精靈千萬丈。至今人向半竿看。

小除夕偕馬太史吳駕部集助甫宅分得源字  
席上賦

自吾高歌踏紫垣。胡霜朔雪愁天門。玄冥走天愬上  
帝。帝遣青皇下雲根。放尔霜雪歸故山。手携春色來  
乾坤。寒雲只尺即相別。春風已坐千門喧。人生三萬  
六千日。日日催人白髮繁。青皇暫且停高軒。吾將乘

槎上河源。天河在手星辰翻。夜半雲間泣雲孫。九鳥  
不敢上扶桑。六龍空復怨崑崙。主人今夜開金樽。上  
中北斗明黃昏。來朝柏葉不須辨。遠天椒花那足殮。  
春風苦意不相放。吾其遲尔桃花園。不然待尔楊柳  
村。楊柳學人舞。桃花作人言。願君留春似留寒。千山  
萬山啼曉猿。

除夕放歌行同助甫賦 席上賦

北斗沉天海。雲黑羣星亂。落化為魘。萬丈寒光忽相  
逼。碧眼小兒驚且惑。胡霜朔雪高如山。入門長跪泪  
沾臆。一自逢君坐天門。夜上為我生顏色。今夕辭君



歸故域何以贈之寄相憶。霜華霜片五千石。留君篋  
笥充君食。令我聞之長太息。床頭雲白天地開。青春  
已駕雙龍翼。吁嗟東風一何力。一夜吹破扶扶桑。國  
走天直把青春縛。携之懷袖光如拭。靡蕪叱向盃前  
生。楊柳只在手中植。翻上春衣雲錦章。呼尔雲孫為  
子。織明月為車。虹為轆。駕之可以凌八極。何問江南  
與冀北。

新春二日同助甫過峻伯夜酌共賦浴字席上賦

青皇日與青春狎。酒星夜勸青皇洽。斜抱金烏日觀  
軟。倒騎玉鰲天柱屨。下視九合一何狹。斗柄為鋤箕

為鐮。揚柳萬樹天河插。風吹新葉落人間。織女為我  
裁春袷。着未與尔上崆峒。何人不訝蒼龍甲。

### 湖上行

湖南湖北雲陰上。石門曉開千樹林。日月雙摧綠髮  
短。江湖獨與青春深。楊柳垂絲為誰結。靡蕪千里傷  
予心。落花流水去不返。武陵桃源何處尋。道路只今  
亂赤羽。乾坤何處非黃金。日暮聊為楚澤吟。慨慷流  
涕沾衣襟。

### 桃源古城

桃源城頭萬木秋。桃源渡口黃河流。黃河一去不復

返天風萬里吹古愁荒郊莽蕩走狐兔石棟屈曲盤  
龍蚪天下英雄曹與劉虎臣矯上何所謀中原未復  
壯士去至今精靈耿耿光神州千秋桃花不復發  
龍何處聲啾上秦人到此不須住野燐夜上吹枯樹  
何侍御為予談泰山蓬萊東海之勝令我飛動

輒賦長篇

三年不見金門客走馬相見清源陌自言前上泰山  
顛東海蓬萊皆所歷人傳泰山高比天層崖曲磴路  
轉窄振衣直上最高頭恍然一嘯天門自天門東西  
相對開星斗髣髴落吾額悲風搖落吹骨寒雖着重

裘似絺綌三峰挿入青雲中嶠石突兀倚天壁目觀  
峰頭望晨日晨日沉上起深澤須臾忽上如奔馬天  
地四方俱色赤破竹裂木不可當恍惚半空飛霹靂  
杖策携壺行復立一詢茲今古迹漢皇尚留封禪  
碑秦人猶剩紀功石蓮花桃花千百峰隱上四出如  
列戟南望吳越西望秦萬里青天起寒色迴駕又登  
蓬萊山蓬萊乃在東海側東海一去何終窮浩蕩微  
茫湛空碧仙人共把珊瑚枝白日觀潮夜觀汐忽然  
長風振天末兩儀不辨海雲黑驚波巨浪排空來怪  
石奇巖怒且激蛟龍奮起不可制神魚動尾幾千尺

左右大呼東西走。令我欲歸不可得。廣陵狂客心頗  
雄。聞此意氣滿胸臆。長劍欲摧玉女峰。短鈎直下鮫  
人宅。海中魚龍手可搏。山中虎豹力能射。何時拂袖  
謝塵世。與君散髮步天極。坐看萬古乾坤自開闢。

五月歌

五月淮南尋舊廬。百花洲上揚柳疎。故人朝對白蘋  
渚。健兒忽傳赤羽書。千山燧烽照蘆荻。滿地干戈盡  
樵漁。孤舟江海欲何之。雙眼乾坤空泪子。東南半作  
豺虎窟。間關忍使蛟虺居。蒼生之血淮水赤。請問將  
軍意何如。

江上行

浮雲壓地烏夜啼。家上人聽作天鷄。王孫何事復遠  
遊。江南芳草春萋上。陶令亦有五柳宅。秦人常憶桃  
花蹊。英雄偃蹇何不可。顏色肯為時人低。君看眼底  
相逢者。誰似江流不肯西。

山中夜坐

朔風亂掃江雲飛。山人為予開石扉。一斗胡麻煮未  
熟。散髮千峰歌采薇。吳江楓落客已遠。楚塞秋深鴻  
未歸。明月墮地白如水。濕爾巖頭蘿薜衣。

登江門諸山

山頭日白雲英上，千峰倒插千江明。手把芙蓉步石壁，蒼翠亂射猿鳥驚。誰其雲外吹紫笙，欲來不來空復情。天風吹我珮蕭瑟，恍疑身在崑崙行。

江上訪朱氏

黃雲墮地秋離上，西風搖落千楊枝。白暮已老暮江遠，滿目丹楓胡鴈悲。孤舟一夜相思發，寒江明月吹參差。天末佳人猶未歸，江頭解佩欲遺誰。

白氏園亭別秦戶部

石門斗酒開夕筵，杜花欲開秋蘿鮮。崑崙片碣插眼底，底滄漠勺水流尊前。落日千江送唇氣，高樓百尺搖

寒煙。今夜共醉廣陵月，明朝又上丹陽船。人生聚散若萍梗，相思寄我倅雲篇。

江門別歌

千山白雲吹暮晴，江間古龍啾上鳴。山人乘虹出石屋，贈我萬片秋菊英。令我餐之霜雪清，何以答之千柱蘅。風塵半世滿髮髮，愧尔煙霞凌太清。長波東去有萬里，吾欲乘風濯吾纓。

吳閩吟

孤槎昨夜叩吳閩，天風吹度茱萸灣。人生聚散忽如雨，更開斗酒秋雲間。山中細草綠於髮，江上驚波高

以山使人對以愁朱顏勸君何事不早還君不見赤  
城明月白可掃夜上仙人吹珮環况有瑶草可同攀  
君胡自令雙鬢斑

江上行

揚子江頭春雨殘廣陵城外暮潮寒美人不見空捐  
珮極浦逢春誰采蘭山中碧草有何意江上梅花只  
自看一片孤帆掛河漢直須尋尔洞庭灣

夜歌

萬片浮雲墜江白江上青楓愁楚客天風忽送明月  
來為我山中掃蘿石醉把長簫石上吹散盡長空秋

碧

湖上遇子與舟中夜酌放歌

射陽湖上逢徐卿揚旌走馬來江城袖中慷慨出新  
詩異哉擲地金石鏗海內交游別離久一一感嘆詢  
其名為言謝生白髮甚李生慘淡違世情梁鴻尚滯  
羅浮南王吳跋扈馳西京西南忽有一二于世人往  
往傳先聲文章不朽之盛事肯使此輩相持衡瓦正  
紛紜塞天地英雄負慨何時平徐卿徐卿且莫嗔與  
君今夜開金罍一斗百篇不足數啾啾叱咤雄風生  
長空日落波浪黑匣中神劍鏘上鳴忽然一躍太湖

去天門日月雙珠明。倉卒波底走毒鯁。須臾天外飛  
長鯨。上窺搖曳幾千尺。搏來一烹作羹。徐卿徐卿  
未可行。東吳戰陣動天兵。閭闔擬上賈誼策。轅門欲  
請終軍纓。男兒苟不封侯食。萬戶區上富貴何足榮。  
不若與爾西極上。訪長庚。精扶搖。萬里來蓬瀛。醉時  
一酌滄溟。枯紅來一嘯。華山傾更瀆。共挽天河水。洗  
盡紅塵千古清。徐卿慎勿忘斯盟。嗚呼徐卿慎勿忘  
斯盟。

酌洞口

華陽洞前秋如霰。華陽洞裏光走電。聞道寒雲深復

深。石壁一竅細如線。吾來大叫石壁開。綠眼仙人夜  
相見。留之三日不出門。嚼盡桃花千萬片。

貞白祠

華陽山前貞白祠。貞白先生騎赤螭。白雲滄上去不  
返。天門秋冷雙虹垂。吾來山頭尋紫芝。紫芝蕭瑟令  
人飢。出門白石爛如泥。切來好煮青松枝。與君大餐  
各五斗。千山萬山隨所之。

江上送別胡國子北上

建業城南江草碧。揚子渡頭江雨白。青山雙屐曉逢  
君。明月孤帆夜催客。英雄四十困樵漁。於今謁帝承

明。爐。其。有。黃。金。大。如。斗。袖。中。一。片。買。生。書。

上亭夜讌放歌

仙人好乘白鹿車。相逢要我飯胡麻。石壁千尋掃落花。落花萬片下人世。一凝結為紫霞。只今已到赤松家。山頭瑤草如蕪葭。采之兩袖白如雪。湏臾五色生天葩。滾上床頭走白沙。為我種棗大如瓜。銀河千尺墮几席。取之石鼎烹為茶。門外蛟龍時一吟。恍若春江聽鳴蛙。醉來直走萬山頂。吸盡瑤天明月華。與尔天漢凌仙槎。

白鷺洲夕泛

楚客扁舟晚何適。千峰萬峰秋欲滴。一尊落日墮崑崙。鴻萬片斷虹隨暮鷁。美人何處摘蘭若。白鷺為千行起蘆荻。明月偏思廣陵簫。梅花欲落江城笛。與君一醉大江頭。醒後天河掛東壁。

燕子磯

燕子一去滄江濱。燕子之磯石磷磷。上滿江波浪近愁客。永日蛟龍常傍人。白雲對酒不知晚。高崑崙盈砌。今幾春洲邊。芳杜還憶楚洞口。桃花未識秦。昔將買尔磯頭一片石。歲上孤舟垂釣綸。

登方山

短筇匹馬迎天風。千山萬山江之東。秋飈一夜起大  
壑。白雲無數吹晴空。幽人石路贈瑤草。楚臣江上愁  
青楓。高歌明月聽湘瑟。斗酒胡霜飛塞鴻。王孫何事  
不歸去。搖落淮南芳桂叢。

牛渚歌

采石磯頭問牛渚。渚上虬螭作人語。賣鮪歲上泣鮫  
人。弄珠夜上恣龍女。太真一去雲離上。至今秋色天  
門垂。我行亦有赤犀在。明月照君君不知。

新安道中

天風吹落千楊柳。晴空萬丈垂鷁首。水中亂石怒且  
待。大者虬螭小蝌蚪。六尺榜人雙胡髯。直掛孤帆石  
上走。長風破浪勢若舞。崑崙碣石繫兩肘。何當駕此  
去。八溟直至蓬萊酌南斗。

山中夜行

明月在天明星稀。仙人夜半歌紫薇。黃鶴一去無消  
息。崑崙玄圃將安歸。寒光透人肌。千山蒼翠濕  
吾衣。下山忽遇天風起。一化作浮雲飛。

浙溪曉起

天門不閉飛早霜。晶上水簾浮日光。水面雲華濕不  
起。魚龍吹沫穿石梁。波間石苔綠於髮。裊上漾之千



尺長微風千里湛空碧。孤槎疑是來瀟湘。

### 嚴州山行

處上青山雲萬重。山前駐馬春茸上。手持芳草不知  
晚。踏破嚴州千萬峰。上頭新月起長笛。洞口流泉墮  
短筇。吾欲金華訪赤松。與爾雲外騎雙龍。

### 月夜

嚴州城南秋雨繁。嚴州城外波濤喧。兩岸人家住楓  
橋。千門秋色分蘭蓀。楚臣正愛薜荔佩。秦人莫愛桃  
花源。相逢今夜開斗酌。千山蒼翠流空樽。醉來高卧  
明月裏。猶有白雲來候門。

### 山行

大江以南山作野。客子况復愛山者。日日山巔弄流  
泉。百丈銀河向人瀉。蒼龍翠虬滿山立。近之乃是梧  
與欖。怪石千尋聳欲墮。徃徃游人下駐馬。

### 真州夜泊

江頭明月白浩浩。江上行人怨芳草。長波風急龍卧  
遲。遠塞霜飛鴻到早。誰家砧杵衣正單。十里芙蓉秋  
未老。玉人吹簫向何處。扁舟愁絕廣陵道。

### 寄懷長安舊游

殘春匹馬辭建章。天南冀北遙相望。游子衣裳滯江

雨故人劍佩鏘胡霜。王程忽訝芳草暮。客心有似浮雲長。安得雙鴻起天際。相思寄尔明月璫。

期黃山人不至

誰其鬪佩三十秋。華髮蕭然卧滄洲。晴霞常護釣者石。明月買斷長江流。白露冷下梧楸。美人不來生我愁。一曲樵歌起天末。白雲搖落萬山頭。

湖上行

湖上人家開夕陽。湖南漁者歌滄浪。蒹葭一雨遠江白。楊柳千條秋浦長。松涇夜掃遲幽客。石門高啓流玄霜。天末浮雲莽不止。慎勿蔽以明月光。

卷之二終



